

Bosna i Hercegovina
Federacija Bosne i Hercegovine
Kanton Sarajevo
Općina Hadžići
OPĆINSKI NAČELNIK



Bosnia and Herzegovina
Federation of Bosnia and Herzegovina
Sarajevo Canton
Municipality of Hadžići
MUNICIPALITY MAYOR

Na osnovu člana 15. Zakona o principima lokalne samouprave, („Službene novine Federacije BiH“ broj 49/06 i 51/09), člana 38. i člana 118. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13-ispravka, 11/18 i 1/20) i Odluke o izvršavanju budžeta za tekuću godinu, Općinski načelnik donosi:

**PRAVILNIK
O USLOVIMA, KRITERIJIMA I NAČINU RASPODJELE NOVČANIH SREDSTAVA ZA
SUFINANSIRANJE TROŠKOVA MEDICINSKI POTPOMOGNUTE OPLODNJE**

Član 1.

Ovim Pravilnikom uređuju se uslovi, kriteriji i način ostvarivanja prava na dodjelu jednokratne novčane pomoći za sufinansiranje troškova pružanja medicinskih usluga biomedicinski potpomognute oplodnje (u daljem tekstu: jednokratne pomoći), parovima bez djece koji su u bračnoj zajednici sa područja Općine Hadžići.

Član 2.

Finansijska sredstva utvrđena na ekonomskom kodu 614239-grant za jednokratnu pomoć stanovništvu, raspoređuje Općinski načelnik odlukom na prijedlog Službe za boračko-invalidsku, socijalnu i zdravstvenu zaštitu, izbjegla i raseljena lica Općine Hadžići (u daljem tekstu: Služba) u skladu sa utvrđenim kriterijima, a na osnovu podnesenih zahtjeva putem protokola Općine Hadžići.

Član 3.

Kriteriji za ostvarivanje prava na jednokratnu pomoć iz člana 1.ovog Pravilnika su:

- a) Da su podnosioci zahtjeva u bračnoj zajednici i da je brak postojao najmanje dvije godine prije početka postupka potpomognute oplodnje;
- b) Da podnosioci zahtjeva imaju prebivalište na području Općine Hadžići najmanje 1 (jednu) godinu prije podnošenja zahtjeva za ostvrivanje prava;
- c) Nalaz i mišljenje ovlaštene klinike sa preporukom za biomedicinski potpomognutu oplodnju;

Član 4.

1. Pravo na jednokratnu pomoć može ostvariti podnosilac koji ispunjava kriterije iz člana 3. ovog Pravilnika za maksimalno tri pokušaja biomedicinski potpomognute oplodnje.
2. Općina će sufinansirati troškove potpomognute oplodnje za prva tri (3) pokušaja u visini iznosa razlike između cijene usluga potpomognute oplodnje i sredstava koje refundira Zavod zdravstvenog osiguranja i reosiguranja Federacije Bosne i Hercegovine, u maksimalnom iznosu do 2.000,00 KM.

Član 5.

Podnosioci zahtjeva koji ispunjavaju kriterije za ostvarivanje prava iz ovog Pravilnika prilikom podnošenja zahtjeva (u prilog Pravilnika) za ostvarivanje prava dužni su dostaviti sljedeću dokumentaciju:

- a) Uvjerenje o kretanju za oba supružnika;
- b) Izvod iz matične knjige vjenčanih;
- c) Nalaz i dokaz za liječenje neplodnosti metodama potpomognute oplodnje izdat od nadležne ginekološko-akušerske klinike ili specijaliste ginekologije koji se bavi humanom reprodukcijom u javnoj ili privatnoj zdravstvenoj zaštiti žene KS;
- d) Predračun troškova postupka potpomognute oplodnje izdat od strane zdravstvene ustanove koja provodi tu uslugu;
- e) Kopiju tekućeg transakcijskog računa.

Član 6.

Novčana pomoć će se dodjeljivati na osnovu podnesenog zahtjeva i po redoslijedu primljenih zahtjeva a do utroška obezbjeđenih sredstava u Budžetu za tekuću godinu.

Član 7.

Ovaj Pravilnik stupa na snagu danom donošenja i bit će objavljen na oglasnoj ploči i web stranici Općine Hadžići, a primjenjivat će se od 01.01.2025.godine.

Broj:02-11-3-2332/25

Datum: 20.02.2025.godine

